



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Haymo-//nis Episcopi Hal-//berstattensis, De Varietate//
librorum, siue de Amore cœlestis// patriæ libri. III. ...**

Haimo <Halberstadensis>

Coloniae, 1531

VD16 H 231

XVIII Quam ardentè desiderare debent regione[m] suam cœlestis patriæ
peregrini.

urn:nbn:de:hbz:466:1-29814

HAY. DE VARIET. LIB.

Quam ardentem desiderare debent regionem suam caelestis patriae peregrini.

Caput XVIII.

Aug. **C**Aelestem ad patriam peregrinus ille ardentem redire desiderabat, qui dolens gemensq; dicebat: Heu mihi, quia incolatus meus longinquus factus est. Ac si diceret: Domine multum a te recessi, peregrinatio mea facta est longinqua. Nondum ueni in patriam illam ubi cum nullo malo uicturus sum. Nondum ueni ad illam societatem angelorum, ubi scandala non timebo. Quare autem nondum sum ibi? Quia incolatus meus longinquus factus est. Incolatus peregrinatio est. Incola dicitur qui habitat in terra aliena, non in ciuitate sua. Longinquus factus est incolatus meus. Et ubi longinquus? Aliquando fratres mei cum peregrinatur homo inter meliores uiuit quam in patria sua forte uiueret, sed non sic est quando de Hierusalem illa caelesti peregrinamur. Mutat enim homo patriam, & aliquando illi in peregrinatione bene est. Inuenit amicos fideles peregrinando quos in patria inuenire non potuit. Inimicos habuit ut de patria pelleretur & peregrinaretur, inuenit quod non habebat in patria. Non sic est patria illa Hierusalem ubi omnes boni, quicumque inde peregrinatur in malos est. Nec recedere a malis potest nisi cum redierit ad societatem angelorum, ut ibi sit unde peregrinatur, ubi omnes iusti & sancti qui fruuntur uerbo dei sine lectione, sine literis. Quod enim nobis per paginas scriptum est, per faciem dei illi cernunt. Qualis patria?

Aug.

Psal. 119.

LIBER PRIMVS.

magna patria, & miseri, peregrini ab illa patria. Sed quid ait iste? longinqua facta est peregrinatio mea. Iste iam volens redire cognoscit infelicitatē peregrinationis suæ, quia cognouit illam, redit, & ad beatā desiderat ascendere patriam.

Qualiter plangere debent captiui patriā suā æternam Hierusalem. Cap. XIX.

Gemamus omnes, gemamus singuli in hac captiuitate, in hac mortalitate, suspiremus, desideremus patriā nostram Hierusalē cælestem. Tendamus ad conditorē nostrū eiusdem ciuitatis fabricatorem, petamus ei bonorū operæ sumptus, vt mereamur peruenire ad eum, & in domo eius habitare omnibus diebus vitæ nostrę, hoc est, perenni vita. Hanc domum æternam, quam ex deo habemus in cælis, diligebat ille qui dicebat: Domine dilexi decorum domus tuæ, & locū habitationis gloriæ tuæ, Et iter: Quam dilecta tabernacula tuā domine virtutum, cōcupiscit & deficit anima mea in atrio dñi. Quia melior dies vna in atrijs tuis super milia. Nam & ipse ad dominum sitiēter peruenire desiderabat, cum dicebat: Sitiuit anima mea ad deum fontem viuum, quando veniam & apparebo ante faciem domini. In hac em̄ positi peregrinatione ploremus coram domino qui fecit nos, quia ipse dominus deus omni cōtritione cordis & corporis redire desideremus ad illam supernam Hierusalē, quæ est mater omnium nostrum. Ab illa peregrinamur in hac misere

Aug.

Psal. 25.
Psal. 83.

Eodem

Psal. 41.

Aug.